

АССАЛАМ

assalam.ru

НА ДАРГИНСКОМ ЯЗЫКЕ

РУХЛА ВА БАГЪУДИ ТИИТБИРНИЛА ШАЙЧИБСИ ГАЗЕТА

№ 3 (116) март 2009 г. / БАЗЛИ ГЪАЧАМ ДАРГАН МЕЗЛИЧИЛ ДУРАБУЛХЪУСИ / Рабиу-ль-авваль 1430 г. Багъа 15 къуруш.

РЕДАКТОРЛА КОЛОНКА

Нуша лерилра дазуагарси космослизиб арцурси гамиличирти гяхли сарра. Мусни-зубри халдарибхели, Ванза архляликьянаби гечбируси «гамиличи» мешубиркули саби. Ил гяламат аклахубси Къудратла ВеГ вагъес ва аргъес бикибси игъбарла веГ сай. Талихчебти саби мусни-зубрала ВеГ вагъес биубти.

Амма адамла мурталра деклар Къудратла ВеГ вагъес вирули ахлен, илини аклахубти жананазивад бегларачевяхси виаллира адам. Сен адамти чула хулбани чедиути секлайчи тамашабис ва аргъес хебирети? Ил вирхаънили яра вирххлеънили селра барсбирахули хебиаллира, адам сунени сай виргяургули сай.

Адам вирхули виаллира хейаллира вавни гьаргдирули сари, чула дахъал журабачил ва ранганачил илди Аллагълис дезадиклули сари. Назикти къарла мякъяни дебати шурми булан пяхкъяэс дирули сари. Илини деклар Къудратла ВеГла цакълис бикъридеш дирули ахлену? Къумлизибад зурбаси галга бетарули саби. Ил деклар тамаша ахлену? Мирхъи чедааа сегъунти «архитекторти» сарил. Архля чянклилис гьимирти душуси мялякъ деклар тамаша ахлену? Къудратла ВеГла хикматунас бикъридеш дирули сари илданира.

Адамла Аллагъ хегъаллира, Берхили ва хясала писли Ил валули сай. Мирхъили ва бялихъуна сари Аклахубси валули дуили сари. Галгубала мякъянара Ил марирули сай...

Сен нушаб деклар нуша Аклахубси Аллагъ марварес хейгулра? Адамла урклилизи булан Аллагъла у белкли буилигу. Ил къалли мархлебарес хедирехле.

Ге Аллагъли аклахубти дахъал секлай чуциб Аллагъла мугъур бихули саби. Амма ил секлайчи нушани мурталра деклар пикри бяхичиули ахленра. Иличил нуша хялумцулра къалли или гъанбиркули саби. Америкала гялим Ж.Р.Нормандли Занзибарлизибси аквариумлизиб бялихъла камлизи гярабла хатли белкунси девличил пикри бяхичиаиб. Бялихъла къуйрукълизиб «Ла илагъа иллаллагъ» ибси белкли буилри.

Ил анцбукула черкад дахъал гъай адердибтири. Гъалаб чумал центлис бирцули бируси ил журала бялихъла багъара дебали халабаиб. Шел азир рупий лугули сари биклар гъанна илгъуна ца бялихълис. Ишаб ил ахленну тамашала, илдигъунти бялихъуни дахъал лерли дьни саби.

Аллагъличила гъанбиркахъути секлал дахъал жананачир къаршидирули сари. Илданира адамти Аллагъличи бирхаахъес жибирули саби.

ИДБАГЛИЧИЛА ﷺ БАЯНТИ

Рабиу-ль-авваль – нушала идбаг ﷺ акIубси баз



Ас-Салам фото

Мухаммад ﷺ – идбагуназивад бегла гьегъиса сай, илис гьегъи цархил идбаг алкуси ахлен, иличибли таманбирути саби идбагуни бурхънила баркъуди, ил идбагунала мугъур сай.

Мухаммад идбаг ﷺ христиантала тарих хясибли 570 ибил дула апрельла 20-личив (бусурмантала хясибли ил РабигI-ул-Аввалбазла 12саби, итнибархли) Маккализиб хьерируси Къурайшитунала

къамлизибадси Гъашимхъала жинслизив. Илала дудешлис Гябдуллагъ, нешлис – Аминат биклусири. Ит замана гярабуначиб бузахуси гьядат хясибли ил кел дус виайчи Саад биклуси къамлизирадси Хялиматли михъирличив ухъахули калунсири.

Идбагла ﷺ дудеш урши аклес кел баз лералли, 25 дула гямруличив вебкибсири. ►►4

ХИЯЖ – 2008-2009

Хияжла итогунала чебкадси пресс-конференция

МяхИячкъалализиб 2008-2009 ибти дусмала хияжла итогни кайънилис багъишлабарибси пресс-конференция бетерхур



Ас-Салам фото

Пресс-конференцияличи жибарилри Дагъистан Республикала хияжла шайчивси муфтийла заместитель ГяхIмад-хияжи МяхIяммадов, «Баракат» ООО-ла генеральный директор ГябдуряхIман Хияжиев, «Кавказ» ООО-ла генеральный директор Мухаммад МяхIяммадов, «Гярафат» ООО-ла генеральный директор Къурбандибир ГумарасхIябов, Дагъистан Республикала динанала къуллукъунала шайчивси комитетла председателъла цаибил заместитель Бекмурза Бекмурзаев, ►►3

Номерлизири:

4

ДИН ВА НУША

ИБН АЛЬ-ГЯРАБИ



5

ИСЛАМЛА ИСКУССТВО

Идбагла ﷺ МИЖИТ



6

ЧЕЛУКЪУСИ МАСЪАЛА

Асубирару школализиб клана бихес? Бирар!



7

ТУАКНИ

Шукру алхIамдулиллагъ (Зикру-дугIя)



САГАТИ ХАБУРТИ

Багъудлумала гиниз

Хасавюртла районна Солнечное шилизиб мадраса абхъиб

Иш дуслар январьла 22-личиб Хасавюртла районна Солнечное биклуси шилизибси мижитла мякълаб сагаси мадраса абхъиб.

Ил анцбукълиси багъишлабарибси шадлихълици Солнечное шилизиб хлербирута адамтицун ахленну, илди илгъуна разиси анцбукълицил мубаракбарес унраличирти шимазибадра бахъал гялхли музабухъун. Мадраса ибхъулели гъайбухъун:

Дагъистан Республика муфтийла заместитель Билал Гялисханов, Солнечноешилаимам Ислам Хусейнов, Хасавюртла районнизибси динна къуллукъуназиб бузуси комиссияла жавабла секретарь Исрапил Даудхъажиев, Хасавюртла районна администрацияла бекла заместитель Вахит Къасимов, Заречка поселоклизибси мижитла

имам Гялимсултан Саритов, ДУМД-ла вакил Гялхмад Тагаев, Хасавюрт шагъарлизибси Дагъиста Исламла университетла филиала директорла белчудила шайчивси заместитель Гимран Салимов, Бамматюрт шила имам Имам Муртузов.

Лебилра гъайбухъунтани исламла хлехълизирти багъудлуми руркънила халаси къадри лебси биъниличила буриб ва мадрасали шила халкълиси халаси гялхдеш барес бирни чебаахъиб.

Билал Гялисхановли буриб ил шилизиб мадраса абхънили шила халкъ бархъси гъуйчи кабизурли биънилис бикъридеш дируси лишан саби или. Лебилра гъайбухъунтани дурибти цалабикибтани разили къабулдариб ва гур гяраб мезли мавлид бариб.

Солнечное шила имамли мадраса лушнилизир бутлакьндеш дарибти ва пай кабихъибти лебтасалра халаси баркалла багъахъур. Аллагъли гялхли

чедиути баркъудлумазир гурра жигарла бутлакьндеш дирахъес халкъ жиба-риб. Кумек барибтира дебали бахъал лебли буилри. Ил балбуцла ахирличир музабухъунти лебтасалра Къуръанна жузира субхъянтира дутлиб.



Ас-Салам фото

ХІЯТИС

Бегларла гялхси баркъуди – Аллагъ багъандан дигахъес ва хлейгахъес

Южный Дагъистайзиб мажлис

Январьла 31-личиб Мяхъяррамкентла районна Советское шилизиб Южный Дагъистайзиб хлербироти динна гялимтала мажлис бетерхур. Ил абхъиб шила мижитла имам Сулайбан-хъажини.

Мажлисличиб бег гялаб гъай бедиб шила администрацияла бек Амирагъа Асваровлис.

Илини ва мажлисличиб гъайбухъунти районна администрацияла бек Ш. Р. Мяхъяммадовли, районна «Самурла тлама» газетала редактор Ж. Мурадгялиевли жамигъатла духънар гялхти адаблати тяхъяр-къяйда кади-захънила халаси къадри лебниличила буриб. Гур илаб цалабикибтала гялаб гъайбухъун: Сулайбан-Стальский районна имамтала советла председатель Шамсуддин Гябдулмуталимов, Дагъиста Исламла университетла преподаватель Гядилхан-хъажи Ибрагъимов, Дербентла районна Хазар шила мижитла имам Арслангъяли Кужаев, Дагестанские Огни шагъарла имам Мухаммад-Рамазан Ражабов, ДУМД-ла исламла шайчирти багъудлуми тинтдируси отделла хъанчизар Мухаммад-Закир Юсупов, Курахла районна имам Шамил Гямаров, Мяхъяррамкент шила имам Юсуф Къурбанов, Докъузпарла районна Къара-Кюрела шила имам Гябдулла Хидиров, лезгибала мезли дурабулхъуси «Ассалам» газетала редактор Ярялхмад-хъажи Ханмяхъяммадов ва цархилти.

Илди гьегъити темабала чебкад гъайбиклули калун: «Ассалам» газетали динна шайчирти багъудлуми халкъла ургар тинтдиришила шайчиб кабирхъуси пайличила», «Аль-Фатихля» сурала къадриличила», «Тавбудиришила къадриличила ва тавбудирухъели дирути тяхъяр-къяйдаличила», «Шимазир сагати мижитуну лушниличила» ва цархилтачила.

Ил балбуц драбуркнилис гъуни чеби-ахъулри «Мяхъячкъала ТВ»-ла хъанчизар Сулайбан Тагьбековли. Мажлисла ахир-личиб «Мяхъячкъала-ТВ» телекомпанияла хъанчизартани бахълис дигусили бетаурси «Шулихъ» биклуси викторина дураберкиб.

Дархъти суалти дедес бажардикибтас телекомпанияла шайзираб къиматчерти савгъатунира дедиб.



Ас-Салам фото

Москвада жумягъла мижитла гъалабси мадрасалис – 20 дус

Вецну авра дус гъалаб Москвада жумягъла мижитла гъалабси мадрасала бузерилис багъишлабарибси белк дурабухъунсири. Ил итхъели мадрасалис бекдеш дируси Жягъпар Ярулович Фейзряхъмановличилиси ихтиат сабри. Ил ихтилатра мадраса бузес бехъибхъибхъейчирад верхъел дус дикнилис багъишбалабарибсири. Хлебиалли гъанна ил мадраса абхъибхъейчирад гъал дус диркули сари.

Иш белчудила дуслизиб мадрасали саби бузес бехъибхъибхъейчирад 20 дус дикнила байрам дураберкиб. Гъайгъай, ил заманала духънар мадраса дахъал секлал дарес бажардикиб, амма челябкъалалиси къасани нушала гъиттира халати сари.

Итхъели, 1987 ибил дуслизир, Москвалезибси цайли цаси мижитлис имам-хатиб Равиль-хазрат Гайнудинни бекдеш дирулри. Илала заместитель Дамир Гизатуллинра восток руркъянти гялимти Фарид Асадуллинра Марат Муртазинра мижитлизиб мадраса абхъахъес пурбанбарахъес шагъарла халабегилтаци дугъабизуртири. Илдаци пикриличил лехъахъиб ва мадраса абхъахъес къабулбикиб.

Итхъели мадрасалис хъажатти динна шайчирти литературара даарила къадарлизир аги. Аги белчудила программабара. Гъар секлал сагали дехъидихъес хъажатлири. Гъанна биалли нушала гяраб мезла жузира, бучантас учебникунира, методикала литературара лер. Багъуди кайсахънила ва бяркъ бедлугнила бетуц ахъси даражаличиб тлашбатес бажардидиркулра. Бахъал леб нушачиб бучлес дигутира. Бучантази Къуръан

бучлахъулра, гяраб мез руркъяхъулра, идбагъунала гямуричилила ва баркъудлумачила тинтти багъудлуми кайсахъулра.

Фикх (исламла юриспруденция), Сира (Мухаммад идбагла гямурула гъуни) руркъяхъулра. Мурхъти багъудлумачи бегъибулра тафсирла шайчибра. Гъайла къантла, гъарра шайчибад чебтаибси багъуди кайсахъулра.

Гъанна бузути бахъал сагати преподавательли леб, илдала халати устадешра лер. Илдани динна шайчирти багъудлумицун ахленну кайсахъути, пергертти адаб-хъяла къиликъуначира бегъибрахъули саби. Хасси пикри бяхъичиулра рухъла дунья давлачеббиряхъниличила.

Мадрасализиб дахъал миллатунала вакилти бучули саби. Нушачир чула мезли багъуди кайсути группаби булан лер, масала, азербайжанлантала, чечентала, къиргъизунала ва цархилти.

Компьютертачил гьердуцибти классуни аклахъес хъадурдиклулра. Нушачибад гъарахъли хлербироти саби лебси мерличиб бучлахъести шуртлри аклахъесра дузулра.

Жягъпар-хъажини чараагарсилезихалбирули сай мадрасализиб бусурмантала дурхъни бучлахъес бехъибхъудла школа абхънира. Авал дуслар духънар илгъуна школализир гядатли диубти предметуначил дарх динна шайчибси багъуди кайсахъути дурсрира дирар. Савли дурхънани гядатла школализирти предметуни руркъу. Гур динна хлехълизирти дурсрачи башар. Дурхънала бегътира илдигъунти школаби ибхъниличила разили саби. Чула хала бегътани бузахъули калунси дин чула дурхънанира руркъули биъниличила разихъебиес бирару?

Бусъягъатла заманализир кадизурли лерти адаб-хъяла даражали нушала адамти паргъатагарбирахъули саби. Дурхъни биалли гъамадли вайта биркъутала асарлиу биркули саби, илди гялхти баркъудлуми дурадурклахъес бурсихъебиралли.

Москвалезир гъанна гялхцад мижитуну лер. Илдазиб бузути лебилра имамти нушала мадрасализиб бучули калунти саби.

Мижитуназиб бузути имамтала ургаб бахъал жагъилти леб. Гъанна илдани чунира дурхъни бучлахъули саби.

ХІЯЖ – 2008–2009

1 «Гярафат» ООО-ла ита-иша бикнилис бекідеш дирнилис жавабардеш дихуси Мухамад-хіяжи Мачилаев, ДР-ла Хіяж-Миссияла бекі тухтур Муртазагіяли Мяхяммадов. Иш яргалис Дагъиста Республикализибад 18 азир хіяжликъянали дурхъаси архія дураберкіб. Илдазибад 8300 Дагъиста динна идаралис Россияла Правительстволизис хіяжла Советли деклардарибти квотаби хіясибли дурхъаси зиярат барес бякунти сабри.

дирутири. Дагъистанлантала шайзирадра хіяжликъянабас кадизахурти низамкъяйда къяркъли дуунти анцібукуни хіедиуб, амма хіяжликъянабира илдала духбира заманаличир гечдирнилизир диахъубти нукъсандешуни багъандан ил пачалихъла лайикъти органтала шайзибад нушала хіяжликъянабачи чебберхахъес дугъабизуртири. Нушала шайзирадра кам-гъамти нукъсандешуни диуб, илдазирад гяширтира кайсулра», – имцабариб Мачилаевли. Республикала СМИБала

хіедиутира. Саудовская Гярабиялизир биалли шин дурхъати ва къидти сари. Шин хіедиънилис гяйибти нушала адамтачир сарри. Илдас даарила къадарлизир шин хіядурдарили буилри, амма мяхкамли харждарес нуша бажардихіедикилри.

Илала дурабад, гъарил хіяжликъянази 35 килограммла чеди мас барх кахъесахъес заманаличир бурибсири, ил хіебарахъес къулбасуни булан дарахъибтири. Амма халаси къадарлизир масани тіалабарибти анцібукуни диуб. Ил

ХІЯЖИС

Бурибси
гъарил девлис
мяхіяшарла
бархли
жавабардеш
дихути сари

Хіяжла итогунала чебкадси пресс-конференция

«Лебилра хіяж барибтала зиярат Къудратла Веґли къабулбарили ва чус халати къадуртазир гяхідешуни диубли дигулра. Илкъяйда нушани халаси баркалла балахъулра хіяж барес аркъути гягніси тяхярли гъуниббатес чузибад лябкъуси барибти Дагъистан Республикала Президентлис, пограничникунала службалис, таможняла кабизунас, мегъла гъунила хіанчизартас, транспортла шайчибси инспекциялис ва хіяжликъянаби гъуниббалтнлизир бутлакъандеш дарибти цархилти кабизунала хіанчизартас», – буриб Мухамад Мачилаевли.



Ас-Салам фото

«Нушани Бакулизибад самолетуначиб 2023 хіяжликъяна ва глур автотранспортличиб 6277 хіяжликъяна дурхъаси архіяличи гъуниббатурра. Зияратли аркъути «Баракат», «Гярафат» ва «Кавказ» биклүти Дагъиста туроператортани сабри гъуниббатурти, турагентунала шайчирти къуллукъуни дирутири Россияла цархилти мер-мусаличирадти «Зам-Зам Тур» ва «Муздалифа» агентствобанира. Дагъистайзибад зияратли аркъутас визаби ибхъутири «Сафа-тур», «Салам-тур», «Надж-тур», «Идель-хіяж» ва «Лаббайк-тур» биклүти турфирмабани. Цахнабли касибхіели, Дагъистайзибадти хіяжликъянабас къуллукъбирусири Россияла гехіел турфирмали, сарира илдигъунти къуллукъуни дузахъес РФ-ла Правительстволизис хіяжла шайчибси советли дяхичаибти. Илдазирад шел турагентство Дагъистан Республикализирадти сарри. Илкъяйда Россиялизибадти лебилра 25645 хіяжликъянализибад 18000-лис Дагъиста туроператортани сабри къуллукъ бирусси. 7646 хіяжликъянас биалли РФ-ла цархилти мер-мусаличирадти шубехі туроператортани сабри къуллукъбарибси. Гъайла къантіа, хіяжликъянабала 70 процентлис Дагъиста туроператортани сабри къуллукъбарибси.

журналистунани пресс-конференцияла замана гяхіцад суалти дедиб ва илдас жавабти касиб. Илди имцаливан хіяжликъянаби хъули чарбулхъухіели гъундурачиб тіашкайниличил дархдасунтири. Илкъяйдали лябкъуси дуслизиб хіяжликъянабас гъатіра чебетаибси къуллукъ глеббурциничил дяхичаибти тяхяр-къяйда далдудес пикридарниличилара буриб.

– Хіяжла отдел дураберкібси хіанчиличи хіуша къабуллирав? – хъарбаиб журналистуназивад цали.

– Иш яргалис нуша ил шайчиб барибси хіанчиличи таманни къабулли ахленра. Нушаб къуллукъбирути турфирмабала шайчирадра белгити нукъсандешуни диуб. Нукъсандешуни диубтира хіяжликъянаби бахъал лебхіели сарри. Хіяжла министрстволизир лерти баянти хіясибли хіяж барес музабухъунти лебилра 4 миллионцад бусурман лебри. 3-4 душла гегъи илдала лугли 10 миллионничи абикес асубирар. Хіяж барес дигутала документуни Москвализир заманаличир дархъибтири ва цалра хіяж барес дигули ахъибси нушала гяйибличибли ил барес бетхлеурли увкахелун. Гярабиялизир хіяжла замана 60 улкализирад самолетуни урцуттири. Лерилра илди Маккализир яра Мадинализир кадирахъес дебали къяяси саби. Северла шайчирти улкназирадти самолетуни Мадинализир сарри кадирахъути, хіяж бирнира илабад саби бехібирхъуси. Ил шайчиб нушаб гъарбизур.

Нушала хіяжликъянабас гостиницабазир дуцибти мерани лерри. Индонезиялизирадти ва Турциялизирадти бахъал хіяжликъянаби гостиницабазиб мер хіебикили, дураб калун. Нушала хіяжликъянабас гостиницабазир шин хіедиути анцібукунира къаршидикиб. Гостиницабазирти какълумазир даари шин лерли дуилри, амма нушала хіяжликъянабани шин мяхкамли харждирес балули ахленри, гъаман кранти абхъили, шин чяхідикахъули далтули буилри. Ил багъандан сарри шин

багъандан сарри гъундурачир имцали тіашкайутира. Дурала пачалихъунала дазурбачиб къалли дахъал масани лерти хіяжликъянабазир селра деклар биклүтира ахленри. Нушала дазуличир сарри имцали тіашиути. Иларти органтира чус кадизахурти закони хіясибли сари дузути. Илдачи гяйибти диркънира бархъли хіебарар. Хіяжликъянабани лерхути савгъатуни---субхянти, пис къапни ва цархилти секлал лебхуси маслизи халхледарахъес бетатур. Нуша иличира разили сарра.

Гярафализир аркъухіелира транспортлис багъа лугуси нушани сабри. Бахъал хіяжликъянаби лебли биъни багъандан заманаличиб транспорт декларбирули ахленри. Къяяндешуначи дяхлігути анцібукуни диуб.

–Хіяжликъянабас гостиницаби заманаличир хіядурхледарилри дьинилис сабаб сегъуна сабри?

–Нушани гъахлахи балулри хіяж барес дигути бахъал бирни. Амма документуни заманаличир далкъаахъи бекідарес бажардихіедикира. Гъар секлал ункъливан гъунчидикахъес нушазибад лябкъуси барира. Амма гъанарти сабабтира алкүли дирар, лерилра секлалра хісаблизир касес бетарули ахлен.

Арбякъунси дуслизиб гостиницабала шайчирра нушаб дебали лайикъагарси барибсири, арагел къаті гостиницабала бехъни багъандан, сагати гостиницабазир мерани дебали дурхъали сарри. Цархилти пачалихъуназибадти хіяжликъянабани илдигъунти къяяндешуначи бяхлігибтири. Масала, Иракълизирадти. Турциялизирадти клел азир хіяжликъянара гостиницабазир мерани хіедикили убкалун. Нушала шайзирадра белгити нукъсандешуни диуб.

Тур-оператортани дирути къуллукъуначила се бурида?

–Илдани саби хіяжликъянаби гостиницабазиб мераначил глеббурцутти. Нушани гостиницабас дучибти арц секъяйда харждарирал багъес дигуси левли виалли, нушани ил шайчирти таманти баян-

ти гес дирехіе. Цархилти улкназибан нушачибра хіяж барес дигути дус гъалаб дугъабилзути биалри, имцатигъунти нукъсандешуни хіедиахъес вирусирри. Турциялизир хіяж барес 2000 евро кайсули сари. Москвализир 3500-4000 доллар кайсухіели, нушала республикализир сайсути 2500 долларцун сари. Дагъистайзибад хіяжли укъес гъамадліра саби дургеліра. Лябкъуси дуслизиб бегі гъалаб хіяж барес аркъутала декларли списокуни дарес къас саби, чуйнал хіяж барибтазибад сайсуси багъа цақьадар имцабарес чебиркур. Бегі гъалаб аркъутас кункдешуни диэс гягніти сари.

– Хіяжликъянабала къукънас бекідеш дирути иш яргалис имцаливан сегъунти къяяндешуначи бяхлігули калуна?

– Лерри къяяндешунира. Илди руководителътазирадра ахленри мурталра деклар дигахъути. Хіяжликъянаби хъурабирес лицензияби агарти гостиницабани булан багъни ахъдуцилри. Транспортличил дирути къуллукъуначилара илкъяйда бурес виар. Руководителъличиб чебси саби гъарил хіяжликъянала суайс жаваб лугес. Чучи разиагъардеш далахъухіелира лехіахъили буэс чебси саби илдачи. Гъалакхіебиклес чебиркур. Нушала адамти илкъяйда вяхіеклес мурталра деклар бажардиркирули ахлен. Дурала улкнази дурабуркүси архія жавабла баркъуди саби. Ил багъандан дигахъира пачалихъла органтира ил шайчиб нушаб бируси кумек имцабарили.

– Вакцинаби дирнилизир ва хіяжликъянабас медицинала шайчибси къуллукъ бирнилизир нукъсандешуни диубу?

– Ил шайчирра челукъути алкүлри бахъал адамти лебхіели, хаслира къяяннири гъар секлал дурусли гъунчидиркахъес. Нушала хіяжликъянабара ца мерличиб ахленри хіебрути, илди шагъарлизир тіутүли хіебрулри. Ил багъанданра нушаб диггаладулхъути суалти алкүлри. Медицинала шайчиб бируси къуллукъличил хіяжтатдеш лебли, ил глебхлебаахъибси анцібукъ хіебиуб. Нушала клел медпункт лерри: ца самолетуначи арцурли бакибтас, ца – автотранспортличиб.

– Хіяжла итогуначи хіуша къабулли калунрав?

– Хіяж бетерхур. Гъайгъай, нукъсандешунира хіедиубли кахелун. Ил багъандан нушачи гымбуқибтази чебберхахъес тиладибирулра. Челябинкализир илдигъунти нукъсандешуни тикрархіедиахъес къасбирехіе. Нушала хіяжликъянаби страховатьбарахъес икъалабарни багъандан Дагъистан Республикала Правительстволис баркалла балахъулра. Таможняла, дзуличирти службабала хіанчизартани барибси къуллукъличира къабулли сарра. Баркалла дикүлра Дагъиста авиалиниябала хіанчизартасра.

Гъанна нуша Къудратла Веґлизи дулгулра нушани барибси хіяж къабулбарахъес. Нушала уркібазиб иман имцабиахъес дулгулра.

ИДБАГЛИЧИЛА ۞ БАЯНТИ

1 « Неш ребклибсири урши урегал дусалра хейубли левалли. Ил ребклили глергъи Мухламмад ۞ клел дус дудешла шайчивадси хала дудеш Гябдул-Мутталибличив хлерирули калунсири. Ил гехлел дус виубхлели, хала дудешра вебклибсири. Илхлели Мухламмад ۞ дудешла шайчивадси адавзи АбуТталибли сунечи арукиб.

Мухламмад ۞ жявли узес веихъиб, маккаланта ла маза дукидикусири. Вишталли левалли ил гялхти хял-тлабигятличил, малхямдешличил, хялалдешличил, бархъдеш бурниличил, бирхуди марбирниличил, серхурдешличил, къасчевдешличил, духудешличил ва цархилти гялхти къиликъуначил декларулхъусири.

25 дусла гямруличив Мухламмад ۞ давлачерси ва гялхси хъалибарглизирадси гамъа Хадиджатличи илала сипталличил хъаллавиубсири.

Хадиджатличи хъайчи кабиэс дигути машгурти адамти гурра бахъал лебтири, амма илдас шери рукъес къабулркибси ахленри.

Мухламмад ۞ сунела къамла ургав хялалси, умутбихъеси, сегъуналра анцбуклизиб къяна хлебурси ва чилра виргялхергуси адам сайливан валуири.

Христиантала тарихла 610 ибил дуслизив, ил 40 дусла гямруличив сайхлели, цаибил гъаргбаркъ (вахлю) иличи баибсири. Ил Хирагъла гиникълизив цунухъунси замана хабарагарли иличи Жабрагил малаик вагъариуб ва буйрухъбариб: "Икъраг!" (Учлен!). Мухламмад ۞ жаваб бедиб: "Нуни учлес хлебалас". Гъарли-марли илини учлес балуси ахленри. Малаикли буйрухъ гурра тикрарбариб ва илини гъалаблагъуна жаваб аргъиб. Жабрагил малаикли буйрухъ хяйнайсра тикрарбариб: "Учлен Къудратла ВеГла уличил!" Илхлели Мухламмадли илди

Рабиу-ль-авваль – нушала идбаг ۞ акубси баз

дугъби тикрардариб ва илди сунела урклилизи атлунтин дизур. Жабрагил малаикли Мухламмадлизи ۞ буриб хлу идбаг-Аллагъла вакил сайри или.

Илхейчибад бехлибхъибсири Къуръан бурхъни. 23 дус калунсири Мухламмадличи Къуръан бурхъули. Хяжатдешуни алкни хясибли, Къудратла ВеГли Къуръан инсаниятличи бутнадди баахъибсири.

Мухламмад идбаг ۞ бухъянси заманализив халаси сабурличил дин тинтбирули калун. Исламлизив чуну дузахъути гядатунас ва тхяркъяйдалис урехи лебни багъурли, къурайшитуну иличи чумали къаршили кабизур. Мухламмадлисира ۞ илала гъуни буцибти гъалаб-гъалабти адамтасра бахъли гелабад кабиркули калунтири къурайшитуну, илдачи адабла шайчибра гъаж бирусири, иткъяйдара балутути ахленри.

Шягир сай, палчи сай, гямултази ахъибси адам сай, шайтунтачил вархвасунси сай биклули, иличи бугътанчи чедуршутири.

Капуртани чула лерилра цакъани илини тинтбируси динниччи къаршили дхлчиулири. Иличиб дукарклулири, дурхли иличи гъирбирулири, ахмах хъунул адамти бхлчиутири ил къаркъубала варахъес, илди иличи чебулхъутири, къаркъуба иртутири, ил кавшес булан балбилзутири. Мухламмадлисира ۞ илала шаликартанира Аллагъ багъандан ва илала дин багъандан илди къян-жапа сабурличил чекайсулри.

620 ибил дуслизив, идбаг ветаурли вецал дус дикибхлели, Аллагъли ил зубрази ахъуциб. Гъала-гъала Аллагъли ил Маккализивад Иерусалимлизив арукиб, илабси Байтул Мукъаддас биклуси дурхъаси мижитлизи, гур илавад гяршличи ахъуциб. Илар илизи дахъал тамашала секлал чедаахъибтири, илаб сабри чузирад кадикибти вайти баркъудлума багъандан гязабтазибти адамти чебаибти, идбагуначил гъуниваиб, илис Аллагъла дахъал дигяндешуни гъаргдарибтири, амма илдачила илини цархилтази селра буриси ахленри. Аллагъли идбагуназивад ил ахленси сунечи ахъуцибси ахленри, илинира бурули саби илис хасси хурмат барили биъниличила.

Христиантала тарих хясибли 622 ибил дуслизив, идбаг ветаурла 13 дус дикибхлели, Мухламмад идбаг ۞ Къудратла ВеГла хъарбаркъ хясибли цаибти бусурмантачил варх Маккализивад Ясриблизи гечиубсири. Кинайс ил шагъарлис идбагла шагъар-Мадина ибси у бедибсири. Ил гечбиъниличибад (гяраб мезли илис "хизра" биклар) бехлибхъуси саби бусурмантала тарих.

Цаибти бусурманталара капурталара ургар дахъал дургъби детауртири. Ислам дуб-дубли Гярабияла байхъуостровличиб тинтбирулири. Идбагли ۞ адамти Исламла динниси битиклулири ва бусурмантала тхяркъяйда дузахъес бурсибирлири, асудироти ва къадагъадарибти секлал далахъулири, клелра дунъялизиб чус икъала-

ХЯЖАТ

Хлушазивад чидилли сунела узис хляхлеш барес вирули виаллира, ил бирес чебиркур

биэси гъуни глеббурулири, адамтази дахъал караматдешла анцбукуни (мугъизатуни) чедаахъиб. Дагъри лерти адамти Идбаглис ۞ гелабад башулири.

Гечбиубли вецал дус дикибхлейс лебилра Гярабияла байхъуостровличиб Ислам тинтбиублири.

Мухламмад идбаг ۞ Ислам таманни бусурмантачи баахъили глергъи, 63 дусла гямруличив Хизра 10-ибил дусла Рабигъ-ул-Аввал базла 12 ибил бархли (христиантала тарих хясибли 632 ибил дуслизив) Мадина шагъарлизив вебклиб ва ила хяриихъиб, сунела хъунул Гяйшатла хъулив, Идбагла мижитла мякълав. Мижит халабарибхлели, идбагла ۞ хляб мижитла бухнаб бетаур.

Идбагла ۞ икъалачибас асхлябти биклар. Имцали машгурти асхлябуни саби Абу-Бакар, Гумар, Гусман ва Гяли, къанниван илди лебилра гъа-глергъили халифунлира бетауртири-бусурмантала халабегилли. Илди тарихлизиб дурхъати, бархъти халифунли калун, сенкун Исламла чебаахъибси гъуйчибад чебхлебалки башутири.

Къудратла ВеГ Аллагъ нушаб икъалавиаб Мухламмад идбагли ۞ чебаахъибси гъуйчирад черхледалки дашахъес.

ДИН ВА НУША

Ибн аль-Гяраби, Мухиддин Абу Гябдуллагъ Мухламмад бин Гяли аль-Хатими ат-Тай (1165-1240) – бусурмантала чевяхъи философ-мистик сай.

Илини сабри «Вахидат аль-вуджуд» биклуси (гямрула цадешла ва даимдешла хлекълизибси) гилму аклахъубси. Ибн аль-Гярабила гъуни даимбарибти илис «чевяхъи учитель» ва «Платонна урши» биклули саби.

Испаниялизибси Андалузияла Мурсия шагъарлизив акубси Ибн аль-Гяраби бахълила ва машгурси гярабунала жинслизивадси сайри. Илала дудеш гъала-гъала Мурсиялизив, гур биалли Севильялизив халаси хякимли вирусири. Севильялизи хъалибарг гечбирухлели урши гехлел дус виублири. Бусурмантас гядатли биубси багъудира уршили ил жагаси шагъарлизиб касибсири. Илала учителти сабри Ибн Заркуна аль-Ансари, Абу-ль-Валида аль-Хадрами, Ибн Баскувала ва цархилти. Ибн аль-Гяраби жявли иш дунъяличил дархдасунти баркъ-бацлизивад гелумизурсири. Суфийти-насихлятичи баргес къасличил ил Андалузиялизи ва Северная Африкализи къяйц арякунсири. Ил Марракешлизи,

Ибн аль-Гяраби

Сеутлизи, Барджайюлизи, Феслизи, Тунислизи ваиб. Хлябцали дус виубхлели, Ибн аль-Гяраби суфийти -гялимтала ургав машгурси, ил гъара шайчивад гъалавахъ арякундешличил ва халати кабизалачердешличил декларулхъусири.

Ибн аль-Гярабила пасихити пикруми

Рухлис дагърила шайчирти цябдешличиб къаркъси танбихи биэс хлебарар: цябдешли сай адам сунези сай виргяигахъуси.

Адамтани шайхли сихру далес гягнисилизи халбирули саби ва челякъла гъалахили бални тлаббирули саби.

Амма учительлизибад селичибалра хляжатси – ученикис хляжатти лерилра секлал дални саби.

Секлал багъни – ил урклили аргъни саби. Тлабигятлизир урклиби мурталра умутти сари, лямцкадиклутти сари ва саркъибти сари. Аллагъ левни багъарбулхъуси гярил урки ил бикърила урки саби.

Бегларла тамаша адам тлашбизнигарли Аллагъличи гъамирнилизив ва сунени ил секлал хясибирули хлейънилизив саби.

1200 ибил дуслизив Ибн аль-Гяраби Хадленнизи арякун ва даимлис востоклизив калун. 1201 ибил дусличивад Маккализив хлерирусири ва илаб сабри сунела бегларла машгурси «Тарджуман аль-аливак» биклуси поэзияла сборник ва цархилти произведениеби аклахъубти. 1204-ибил дуслизив Ибн аль-Гяраби гурра сапарли дурвахъун. Иш яргалис северла шайчивяхъ–Мосуллизив. 1206-ибил дуслизив ил Египетлизив убклули хилхли калунсири. Чумал дус илини Биштласи Азияла шагъуртазирра дерклиб ва илаб бахъал ученикуни калахъун.

1223 ибил дусличивад гямрула бегла глергъити бурхлначи бикайчи Ибн аль-Гяраби Дамаск шагъарлизив хлериуб. Илаб сабри илини таманбарибси машгурси «Фусус аль-Хяким» биклуси трактат. Ил баянбироти 150-цад жуз делкун гур цархилти гялимтани. Ибн аль-Гярабини 300-личчи гъамли гилмула хянчи гелар датур. Чевяхъи гялим Дамаскла мякълабси Койсун биклуси дубурличив чевяхихъуси мерличив хяриихъибсири. Султан Селис I-ибилла буйрухъ хясибли илала хлябличиб лебгел ахмакъ мавзолей тлаштурсири, суненира гъаннара илаб къаршибикибтала пикри битиклули лебалси. Ибн аль-Гяраби схоластикалара рационализмалара



ахли, интуицияла, урклила шақдешла, Аллагъли дагърилизиб пикри лямцбухъахънила хъулчиличиб саби гилму гъалабахъи бушуси виклусири. Адам илини арагъбси дунъялизи халирусири, амма къадар хясибли биштласи. Гилмулизи дебали мурхъикибси гялим сайри. Илала философия аргъес дебали къянси саби. Ил Платонна гъуйчи кабизурти гялимтала лугилизивад сайри. Даршдусмазиб илала философияли адамтала пикри битиклусири, гъаннара илала гъуни даимбироти къаршибиркули саби.

Ибн аль-Гярабила гилмула хянчурбала черкадти жалани гъаннара тамандиубли ахлен, илцадра дахъал секлал алавдуцес бажардикибси, дигяндешуни лерти гилмуртазив узусири ил пасихар гялим.

Хядурбарибси – Патимат СУЛАЙБАНОВА

ИСЛАМА ИСКУССТВО

"ХИушани архляби дурадуркюси замана илди хлябалра мижитлизи даэс ахленси гьалакмадиклуда:Маккала мижитлизи (Мисжитул хлярам), Мадинализибси Идбагла мижитлизи ва Иерусалимлизибси Аль-Акьсализи"

(хлядис)

Бусурмантала лерилра мижитунас хьулчили бетаурсири Мадинализибси мижит, сабира Идбаг ﷺ мицирли левалли белшунси. Ил глянжилзирад дарибти келпичуназибад барибсири, ил лушухлели пальмабала кьялубира клярира пайдаладарибтири.

622 ибил дуслис гьалаб (ил хляжрала цаибил дус саби) Мадиналис Ясриб биклусири. Карбанти дашуси гьуйчибси чумиздагунала вацализиб мерлабиубси ил бахьхила шагьарлис Кьудратла Веґлис дигули ахьни хлясибли Маккализивад гечуубли гьегьи Аллагьла Расул кьабулварибси шагьарли бетаэс кьадарибуисири. Ил гьур Исламла тах шагьарра бетаурсири. Маккализивад ил шагьарлизи гечуубли гьегьи (хляжралис гьегьи) Идбагли ﷺ сунела гьямрула калунти бурхлини ил шагьарлизир деркибтири ва ил шагьарлизив хляриихьибсири.

Мижитла бухнала

Итхлели мижит авалра шайчибад дерцихедерцибти глянжилзирад дарибтикелпичуназибадбарибсилацли алавбуцибси бурх агарси мер сабри. Иерусалимличи бяхичиси северла шайчиб пальмабала тлулрачиб барибси буцарси берхилизибад мяхкамдеш бирес барибси бурх сабри.Булгутани ил бурхла удиб буцардешлизибад берцуди бургусири.

Илди тлулрани сабри кинайс кьаркьала тлулрас хьулчи кабиьибсира. Гьаланачи ил Иерусалимличи бяхичиси бирусиири, гьур – Маккаличи, сенкун ил бусурмантала беклибиубси шагьарли багьахьурсири.

Камси заманала гьегьи бусурмантала дурхьадешличи бяхичибиз--кьибла-хасли декларбирес бехлихьиб, михрабличил.

Мижит жагали някьибшбарили саби. Бяхлярачир, хьулразир, миммартачир, улкьайтачир дахьал някьибш лер, унзурби урцуйзирад дарибти сари, ганзухьуни, тлулрала хьарани дубсилиличил жагадарили сари.

Луцри духнарад бусурмантала някьибшличилти мраморла гьенба дуцили сари, илдала ахьдеш хлябал метрла саби. Илди луцразир Кьурьанти дихлес хасдарибти кьасурби дарибтири. Жяв замана ил мерличир дахьал кьяринчикьунас суждабирантала сегьунти-саррил гьятбиьлуми лертири.Чумиздагунала галгуби духьулри. Мулухьурала кьадубира лертири. Идбагли ﷺ хьарбарни хлясибли кьяринчикьунас суждабирантала хлябрира гьятбиьлумира диркьубли урасибтири, пальмабира кьадубира дяхьибтири. Галгубала мархляби Иерусалимличи бяхичиси мижитла кьиблалис пайдаладарибтири, ухнахьути унзурбас хасдарибти мерани кьаркьа-

Идбагла ﷺ МИЖИТ



Ас-Салям фото

лизирад делшунтири, луцри биалли глянжилзирад дарибти келпичунала сарри. Мижитла хьалч чьянкьти пальмабала кьялюбани чебиьибсири, бурхлис тлулрира пальмабала мархляби сарри, чьябарличи гьум тинтдарилри, чузира диштлати кьаркьубира гьудурдарибти. Мижитлизи айцути хлябдехи унза лерри, кьиблала шайчибад кьакьла шайчибси лацличи бикайчи бухьядеш даршал декла сабри, илгьуна яра цакадар камси сабри мижитла бягьудра,луцрала хьулчнала мурхьдеш биалли хлябал деклагьуна сабри.

Мижитличи дархдасахьи делшунти кьаркьубазирадра келпичуназирадра дарибти, бурхани пальмабала мархлябазирад дарибти духьбачил чедихьибти ва кьялюбани кляпидарибти хьулри лерри, сарира Идбагла ﷺ хьунрас хасдарибти, илди Абу Аюбла юртлизивадмижитбелшитаманбарибхлели ила гечбиубтири.

Ил пайдалабирни

Мижит дехлибала дирусии мерцун ахленрину, бусурманти гьунибиуси мерра сабри, илар сарри илдани Исламла хьарбаркьуни руркьути, илкьайдала деклар-декларти кьаманала вакилли цалабиркуси сунела жура-ла клубра сабри.Илди кьаманикун бухьянси заманализир деклар-декларти сабабти даргили цабехлиличил цабехи бургьули калунтири.

Илдала дурабад, ил лерилра кьуллукунас гьуни чебиахьуси мерра сабри, илабад сабри исламла хлекьлизирти жимачил адамти дурабулхьути ва ил бусурмантала пачалихьунала пикри цалабирхьути ва кьуллукуни тамандирути органици цаладиркуси парламентар сабри.

Мижит Мадинализиб чула я хьали, я хьалибарг, яра лебдеш агарти гечбиубти бахьал мискин адамти хьурабирусии мерлира бетаур.Идбагла ﷺ мижит бухьянси заманализиб динна ва рухля гьямрула центрлицун ахленну, исламла цаибил пачалихьла политикала ва экономикала центрлира бирусиири, илдала лебгьеб халаси кьадри биуб бусурмантала цаибил наслула урклиби цадирахьнилизиб.

Гьарзабарни

Бусурмантала лугли имцабиклулри, 629 ибил дуслизиб идбагли ﷺ мижит гьарзабариб. Дурхьати халифуни Пумар бин ал-Хаттабли ва Пусман бин Аффани мижитли буцибси мер халабариб.Илдала гьегьира мижит гьарзабарибсири халабегилти Пумар Пябдул-Пязизла замана (706-712 ибти дусмазив ил Мадинала бекли вирухлели), Валид бин Пябдул-Маликла замана (706 ибил дуслизиб), Магьди аль Пяббасила замана (779 ибил дуслизиб).Илдала гьегьи 1483 ибил дусличи бикайчи мижитлизиб селра барсбиубси ахленри.Саудовская Гьарабияла пачалихь кабизурхлели, пача Пябдул-Пязиз ас-Саудини мижит сагабирнила хлекьлизибси Указ дураиб. 1950 ибил дуслизиб мижит лебси лебилра манзилла бухнаб бегларала халаси барсдеш аклуб. Зияратли башути хляжликьянабала лугли дусличи дус кьалабали имцабиклулри, 1955 ибил дуслизиб илдала лугли 100 азир биалри, 1978 ибил дуслизиб ил 2 миллионничибра имцали сабри.

Ишбархли Идбагла ﷺ мижит беклибархли лебсичиб даршналарисера имцали саби. Ил сагаси агиличи буршухлели техникала ишхлелла заманала сархибдешуни ва технологияби пайдаладарибти сари.Мижитлизиб дурусии бузуси илдала бухнабси гьава умули ва лайикьси даражаличиб биьлуси система бузули саби.Бухнабси азбар урасес вирути халати чьатиртачил гьеббуцили саби, илди буцархлели сари-сарил гьаргдирули сари, дугели биалли кьяпдирули сари.

Гьаргдирути бургани Морокколизибад хибси кедрла урцуйзирад дарибти назикти някьибшли жагабарили саби.Арматура беклил чедэс вирули ахлен.

Мадинализиб Идбагла ﷺ мижит--Исламла клиибил дурхьадеш саби, ил шагьарлизиб сабри Ислам аклубси, цаибил мижитра илаб сабри белшунси, Идбагла ﷺ хлябра ил мижитлизиб саби. Дебали мягничебси саби Идбагла ﷺ мижитлизи аркьухлели, илизи ветичнила шайчир кадизахьурти тьяяр-кьяйда дурусии тамандирни.

ХЛЯМС

Динни вицибси бугьтанчили яра урезагарси пьагьили виэс хлейрар

СУФИБАЛА ХАБУРТИ

* * *

Бурули бирар, Кьудратла Веґ Аллагьли Илбисличи ляґнатбушибхлели, илини Аллагьлизи тиладибарили буили саби сунес бирусии танбиьли Кьяямалла бархли сабаайчи гелайзи арбухахьес. Сунела тилади бартаахьурхлели, Илбис биклули саби: «Хлела чевяхлешличи хьябирулра, ну хлела лагьличивад деклархлебиркус илизирад рухли деклардикайчи». Илхлели Кьудратла Веґли или сай: «Дила чевяхлешличи хьябирулра, дила лагьличивад гелумхлелзас илдала рухли ахлесили лералцадхли».

* * *

Гиса идбаглизи хьарбаили буили саби, адамтазивад бегларала гьахиси чи сая или. Някьбази гьянжила кьялшубира касили, илини бурили сай: «Ишдазибад чиди гьахиси?» Гьур илини някьбазирти гьянжи гьудурдарили сай ва виклули сай: «Лебилра илди (адамти) цагьунти саби, илдазибад гьяхитигьунти Кьудратла Веґла мякьлаб саби (Аллагьлизибад урухкьлуги)».

Хлядислизибра бурили саби: «Гьарли-марли, Кьудратла Веґ Аллагь хьуша чедирад чедэс сегьунти саррал хлериклули ахлен яра хьушала баркьудлумачи хлериклули ахлен, ил хлериклуси хьушала урклибазии ва хьушазирти кьасаначи сай».

* * *

Бурули бирар, Гиса идбаг сунела икьалачибазии (апостолтази) ишкьяйда виклусири или: «Хьуша беклибтачил камадирудая, сенкун хьушала урклиби дубкларну». Илдани хьарбаили саби, беклибти чихьали саби или.

Идбагли илдази бурили сай илди дуньялизиб лебси дигути ва иличи карцти саби или.

* * *

Бурули бирар, Гиса идбаглара илдала апостолталара мякьлавад чьянкли рурхьан аркьулри или. Гиса идбаг сунела ученикунази виклули сай хлерибиусии замана илдала хлябличии музадухьяя. Амма ил вебкили ахлен. Жабрагил малаик кацибхлели, Гиса идбагли илизи хьарбаили сай: «Хьуни набзи бурили ахленрив ил чьянкли рурхьан вебкили сай или?».

Жабрагил малаикли жаваб бедили сай: «Бурира илгьуна,амма нуни хлези илкьяйда бурили гьегьи илини садакья бутили уили сай ва илкьяйда беклиализивад верцили сай».

ЧЕЛУКЪУСИ МАСЪАЛА

Дагъиста школабазиб рурсбани клана бихнила суал гъарли-марли бугали тлашбизурли саби. Гъар бархлира сера дурхналара илдала бегталара зигаръала аргъес вирули сай школала директортани яра учительтани, валлагъ, нушала пачалихъ светский саби или, школализи бекличиб кланализи рурсби абицахъули ахлен или. Иличил бархбасахъи Дагъиста бусурмантала Духовное управление ил челукъуси масъалала чебкад сунела пикри бурахъес Дагъистан Республикала багъудила ва гилмула министр Алексей Хиясановличи дугъабизур. Газета бучантас иличи бархъибси кагъарра, кагъарлис илини бедибси жавабра гъаладирхъула.

Патимат Хиямзатова,
журналист

Асубирару школа- лизиб клана бихес? Бирар!



Ас-Салям фото

ХІЯМІС

Чини бусурман
узи разиваралра,
илини Аллагъра
разиирахъу

АДАБ – ХІЯЯ

Нуша селис акІахъубтира

Даширая алавчарли хІердилзе-хІену! Нушани се чебиула?

КъантІа хІевни чегъурти жагъил рурсби мурул адамтала шалкІуб башули саби. Секъяйда вирара илдачи гымхІевкІес? Нушачи гымхІевкІес! Нуша Дурхъаси Аллагъла шайзибадси гІяйибличи лайикъдикилра.

Къудратла ВеГІ Аллагъли нуша пергерли жагатили, гъарра шайчир чедетаахъибтили акІахъубтира. Нуша илдигъунти саркъира, нушани гъатІура жагати ва кугебти детаэс ибси къасличил пластическая операцияби дирахъула нушала дяхІ-някълизи. ГъайлакъантІа, Къудратла ВеГІли нушаб гибти куц-кабиз дарсди-рула, цархІилти детарахъула. Ил секІал нуша Аллагъли гибси кабизличил къабулхІедикнилис бикъридеши дируси лишан саби. Нушани сен илгъуна бирула? Жагъаннаблизир дагъарди-эс? Къудратла ВеГІли нуша ил мурад-личил саррав гъатІу акІахъубти?

Нуша акІахъубтира Аллагълис къуллукъличир диэс багъандан. Гъарил гъигъ багъандан нуша Къудратла ВеГІла гъалар чеблалуур сарра. МутІигІдеши саби нушани Аллагълис къуллукъбирнилабекІлибиубсилишан. Даширая хІебиалли Аллагъ нушачи разили калесли вяшдикІехІену, Къудратла ВеГІла хъарбаркъуни хІясибли хІердирехІену. Гъачамлис къанни ахІен нушани тавбадарес нушазирад кадикибти далагарти секІал, уркІби ва рухІ умудиахъес. Нуша нушала гІямрула гымирлизи чІумали атІура. Амма нушани балула ил гымир мурт-биалра сеннира къябудни. КъанхІедис багъандан нушаб ишбархІура жягІяйчи пикридикІули хІердирес чебиркур, ишбархІи Аллагълис къуллукъбирни-ли саби нушала жягІялла бархІи жага-бируси, нушала челякъъла жагабируси. ИшбархІи барес вируси жягІяйчи арбихуси ахмах сай, ил бирес асубируси ахІен, сенкІун жягІял сатхІебаэсра асубирар.

Къудратла ВеГІ Аллагъ нушала бунагъ-хатІаличивад чевкерхад ва нуша Сай разивирутала дугІу-лизир диахъес икъалавиаб. Нушала уркІурбази иман имцІабараб!

Дурхъаси Аллагъли нуша гІяхІси ибсилчи хъулдараба! Амин.

Фатима, 17 дус

ХІурматла Алексей Михайлович!

Дагъиста бусурмантала духовное управлениелизи школабала учительтачи ва директортачи школабазиб бучІути дурхІнала бегтала шайзирад дахъал гІярзаби дашули сари бусурмантачи лайикъти палтарличил-хиджабличил рурсби школализи башахъес къадагъа-бирули саби или. Иличил бархбасахъи нушаб багъес дигахъира белчудила заведениебазиб рурсби чула динни кадизахъурти тяхІярла палтарли бегІбиубли башахъес къадагъабируси яра илдигъунти палтар дихни лайикъа-гарсиллизи халбируси хІукму яра чедибад гибси буйрухъ лебал бурили. Школализи рурси бекІличиб кланализил музарухъи сари или ручІахъес хІералтни секъяйда къиматлабируси?

БегІлара гІяхІдеш булгути балгначил
Дагъиста бусурмантала Духовное управление
председатель, муфтий ГІяхІмад-хІяжи ГІябдуллаев

ХІурматла ГІяхІмад-хІяжи!

Багъуди кайсахъуси гъарил учреждениела «Багъудила хІекълизибси» РФ-ла Законна І3 ибил статьяла 5-и бил пунктличил балбикахъили цалябахъибси устав бируси саби, сунезирра белчуди кайсахъуси учреждениела бузерила дазурби саркъахъили баянда-рибси, ил лугІилизиб учреждениелизиб бучІахъес къабулбирнила тяхІярра, учреждениелара бучІанталара, илдала бегІталара (дурхІнас жавабаркеш дихуталара) ургарти бархбасуни гъунчидуршуту.

Илкъяйда, багъуди кайсахъуси учреждениелизиб ихтияр лебси саби бучІутани дихути палтарла белгиси жура кабизахъесра.

«Багъудила хІекълизибси» РФ-ла Законна 50 ибил статьялизир баяндарили сари бучІантала ихтиюртира чеблума. Законна 52 ибил статьяла 3-и бил пункт-лизир биалли учреждениелизиб бучІути дурхІнала бегІтани (илдас жавабаркеш дихутани) багъуди кай-сахъуси учреждениела уставла тІалабуни дузахъес чебси биъниличила бурили саби.

Чедир гъандушибти законна тІалабуни иргъахъули саби пачалихъла ва муниципалитетунала багъуди кай-сахъути учреждениелара педагогуназиб бучІантазибад учреждениела Устав дурусли бузахъни тІалабирес ихтияр лебси биъни.

Дагъистан Республикала багъудила ва
гІилмула министр
А. ХІясанов

Амма! ХІурматла Министерство, хІушала жаваб я таманни умутбихъеси ва бирхаудибихъеси ахІен, ил закон-ничилра балбикили ахІен. Ил школабазир рурсбани клунби дихни баянбирниличира чебетаибси ахІен.

Школабазиб ил суал ирзухІели нушани маслигІятбирули ахІенра нушала пикрилизабдцун гъуни кайсахъес, багъу-ди кайсахъенилизиб ва юриспруденциялизиб бузути хаста специалистунани пикрикабухъи дурасибси пикриличил хъарихъули дигула.

Иш нушала пикри ахІен

1992 ибил дуслизиб къа-булбарибси «Багъудила хІекълизибси» РФ-ла Законна 32 ибил статьяла І3 и бил пункт хІясибли школабазиб палтарла белгиси жура бихнила шайчи-си масъала багъуди кайсахъуси учреждениели гъунчидуршуси саби. Ил масъала бекІбирнила тяхІяр сегъунтила норматив-ный документунани кабизахъ-урли ахІен. Багъуди кайсахъуси учреждениела Уставлизиб ил суал чебаахъили биэс бирар.

Школализиб бучІути дурхІнас палтарла белгиси жура кабизахънила хІекълизибси суал хІербарили биэс бирар багъуди кайсахъуси учрежде-ниелилиси гъуни чебаахъуси органни (школала советли, бегІтала камитетли, классла ва лебилра школала дурхІнала бегІтала собраниели, хІеруди бузахъуси советли).

ГІядатли биубли, школала палтарла жура школала совет-ли тасдикъбируси саби.

Ил таманни арзили биэс бирар багъуди кайсахъуси учреждениелизиб бучІути дурхІнала лебилра бегІтани яра илдазибад имцІатигъунтани. ИлхІелира школализиб бучІути яшавлизибад нукъсанни гІеббуцибти хъалибаргунази-бадти дурхІнас кабизахъурси жура палтар тІалабдарахъес финансунала сурсатуни дур-гнила шайчибси суал гъунчибу-шили биэс гІягІниси саби.

Палтарла жура хІекълизибси суал школала уставлизибра бируси саби. (ил суал белгибарили саби РФ-ла багъудила Министерствала 2000 ибил дула ноябрь-ла 14-личибадси 22-06-1203 номерла «БучІантас школала палтарла жура кабизахънила хІекълизиб» кагъарлизиб).

Москвала багъудила депар-таментла руководитель Любовь Кезинани багъахъур, школа-лизир дихути хаста палтарла жура кабизахънила суал гъа-рил школали хъархІерагарли хІербириси саби, илхІелира хІукму учительти, бучІанти ва илдала бегІти каберхахъурси школала советли къабулбируси саби или.

Школала советли бучІантани школализи дихути палтарла хІекълизибси суал белгибари-ли гІергъи лебилра дурхІнира илдала бегІтира илдигъунти палтар дихес ибси гъяжличил къабулбиркнила суал гІурра берцІахъили ахІен. Ил суал юридический гІилмуртала кандидат, адвокат Илья Гельфандли ишкъяйда баян-бирули сай: «Школала совет жамигІятла организация саби ва илини жамигІятла организа-цияла члентаницун тамандиру-ти хІукмурти дурайсес бирар, ил советла хІукмурти багъуди кайсахъуси учреждениели-зиб бучІути лебилра дурхІначи чедетиути ахІен».

Илкъяйда ашкарбиуб Москвала багъудила департа-ментли ихтиярла хІекълизиб ил шали гІеббуцули биъни. Департаментли халбирули саби, школализиб бучІантани белгиси жура палтар дихес-ли барили гІергъира бегІтани илдигъунти палтар дихахъ-ес пурбанхІебирути дурхІни лебли биалли, илди дурхІни чус дигули къяйда башахъес батес, хІятта лебилра илди ца вецІалцун биаллира.

Илгъуна пикри буриб Москвала багъудила депар-таментла пресс-секретарь Александр Гавриловли.

ТУАКНИ

**БИСМИЛЛАГЪИ ПРАХИМАНИ ПРАХИИМ
Шукру алхIамдуллагъ
(Зикру-дугIя)**

**Аллагъ Аллагъ я Аллагъ, Аллагъ Аллагъ я Аллагъ,
Аллагъ Аллагъ я Аллагъ, шукру алхIамдуллагъ.**

Лаилагъа иллаллагъ, тавбу астагъфируллагъ.
Лаиллагъа иллаллагъ, шукру алхIамдуллагъ,
Къудратла ВеГI ца Аллагъ, ряхIмула ВеГI я Аллагъ.
Лаилагъа иллаллагъ, я Рабби субхIаналлагъ.

Мусни – зубрала ВеГIри, мицIиртала ВеГIбекIри,
Лаилагъа иллаллагъ, лерилра бекIдиранри.
Алжаналис ХIу Шагъри, Къиямалис ПячяхIри,
Лаилагъа иллаллагъ, гъар жаннис хIяжатсири.

Адам, ХIява талхъунти хIуни саб акIахъубти,
Лаилагъа иллаллагъ, нушаб неш - дудеш сабти.
МухIаммад ХIябибуллагъ дунъялис варри пахру,
Лаилагъа иллаллагъ, амъурли бухиб амру.

Асес хIейрул ашрапи ХIела дурхъаси Къуръан,
Лаилагъа иллаллагъ, саб дусма барсхIебиран.
Мургъи-арцла хIурпрачил белки саби, ил кавлан,
Лаилагъа иллаллагъ, гIямурузиб гIяламла.

ХIу нурри, ХIу шалари, нушани чехIейури,
ХIуни нуша чейънилис шукру алхIамдуллагъ,
Дурхъадешра сар ХIела, сахаватдешра ХIела,
Лаилагъа иллаллагъ, ХIед деза сар нушала.

Нуша ХIела лугърира, ХIед нуша мутIигIира
Лаилагъа иллаллагъ, ХIела РяхIму я РяхIим.
Нуша ХIези дулгулра, хIедцун икрам дикIулра,
Лаилагъа иллаллагъ, гъарахъбара гъар балагъ.

ЯхI агарси адамла, хIебируси саби гIяхI,
Лаилагъа иллаллагъ, сунна дирар кIидехI дяхI.
Мунафикълис кIибяхIан гъалакхIебирид диван,
Лаилагъа иллаллагъ, ил сай цIализив кавлан.



Ас-Салам фото

АлкIутас къадар лукIан, акIубтас къисмат луган,
Лаилагъа иллаллагъ, ХIури баракат буртIан.
ХIуни адикъуртира, ХIезир нушала жанра,
Лаилагъа иллаллагъ, къадарбара Алжанра.

ЛигIматуни, давлуми, дунъяла баркъудлуми,
Лаилагъа иллаллагъ, ХIела гIяламатуни,
Агарли ХIела пурман лебси ахIен бетаран,
Лаилагъа иллаллагъ, ХIу сайри гъуйчи дуршан.

УркIила пикри балан, лебил гIялам хIербиран,
Лаилагъа иллаллагъ, агу ХIуни хIебалан
ХIули липIлис иш дунъя вирудра учеббарес,
Лаилагъа иллаллагъ, ХIела бааб нушаб гIяхI.

Зикру, мавлид дирутас, зияратли башутас,
Лаилагъа иллаллагъ, валикъанри валутас.
УркIецира, ряхIмура, цIакъра халаси Аллагъ,
Лаилагъа иллаллагъ, шукру алхIамдуллагъ.

Дунъя давла дикIули, ислам нукъсан бирули,
Лаилагъа иллаллагъ, чевверхи, ЧевяхI Аллагъу.
Мялгун щайтIай диргIули, буцIар цIа бурцахъули,
Лаилагъа иллаллагъ, ХIела кумек я РахIман.

Гъар хIякимла-каримла бекIлала къялшубани,
Лаилагъа иллаллагъ, бурцу гIямрула гъуни,

ХIЯМИС

ХIу
АллагъличивяхI
ватихъадли,
ил Сай
хIечивяхI
дуцIулхъан

Якъутла я мургъила гъалабиз агу илис,
Лаилагъа иллаллагъ, цагъуна саб гъариллис.

Дунъяличир лерцадхIи хIердараба даршули,
Лаилагъа иллаллагъ, лебтала уркIби шадли,
Гъарил МухIминна хъулиб каммабирид баракат,
Лаилагъа иллаллагъ, тядидбара кагъарат.

Иман, ислам хIелули бурги ахIли башути,
Жагъаннабла цIализиб саби илди бирути,
ХIу левни мархIейрули къурбунти къирбирути,
Лаилагъа иллаллагъ, саб чIичIлума бугути.

ХIела бунагъкар лагъли,
жагъ гIямру деркиб къагъли,
Тавбура тиладира къабулдирару дила,
ГIямал агар ГIябдуллагъ урузли урухIира
Лаилагъа иллаллагъ, ХIела иман булгулра.

Хазна агар халкъ бахъал тах шагъар чебаайчи,
Лаилагъа иллаллагъ, шурдатаба гIяхIшайчи,
Я Аллагъ, къадарбара МухIаммадла шафагIят,
Лаилагъа иллаллагъ, марбирутас шаригIят.

**Аллагъ Аллагъ я Аллагъ, Аллагъ Аллагъ я Аллагъ,
Аллагъ Аллагъ я Аллагъ, шукру алхIамдуллагъ.**

**ГIябдуллагъ
ХIЯСАЙНИЕВ,
Дахадаевла районна Зубанчила ши.
Бузерила ва дергъла ветеран.**

**Илди саби бегIлара
талихIчебти...**

Лезмилизи тасбихI - зикру дуцибти,
Даим Аллагъ уркIилизи уцибти
Дунъялизиб ва ахиратлизиб –
Илди саби бегIлара талихIчебти.

ДехIибайчи мижитлизи башути
ЖямигIятличил дехIибала дирути,
Суннат-ратибатунира дирути –
Илди саби бегIлара талихIчебти.

Аллагъла каламличи бирхаурти,
Лебилра идбагуни марбирути,
Къадарличи чуни сабурбирути –
Илди саби бегIлара талихIчебти.

Урки-лезмили шагъадат бурути
МухIаммадличи ﷺ Салават буршути,
Гъар дехIибайс гIергъи
Къуръан бучIути –
Илди саби бегIлара талихIчебти.

Рамазан базлизиб дубкабурцути,
Чягъирличил гъалмагъдеш хIедирцути,
Мургъи-арцлис адамдеш хIедирцути –
Илди саби бегIлара талихIчебти.

Бисмиллагъ или хIянчи бехIбирхъути,
Бисмиллагъ или хурегли букути,
БукунхIели шукру-деза бикIути –
Илди саби бегIлара талихIчебти.

Узи-уршила тухумдеш далути,
Гъарахъти тухумтира гъамбирути,
Узи-уршилис насихIят бурути –
Илди саби бегIлара талихIчебти.

Халатала хIурмат-хатир дирути,
Неш-дудешличи уркIеци бирути,
БиштIатира разибарес балути -
Илди саби бегIлара талихIчебти.

Мавлид-зикруличи чукурбиркути,
ВягIза-насихIятличи лехIирхъути,
Дин-исламла рукнурти дузахъути -
Илди саби бегIлара талихIчебти.

Аллагъли чус гибсичи разити,
Чула маслизибад закят бирути,
Чула чархIличи пахрухIебирути -
Илди саби бегIлара талихIчебти.

Къяна-шилтахъ чучи гъамхIедарибти
Барибси бунагълис тавбударибти,
Дунъя бицили алжана асибти -
Илди саби бегIлара талихIчебти.

Къуръа гIилму уркIиличир дяркъурти,
Урши-рурси динна гъуйчиб бяркъурти,
Хъалибаргличил малхIямли бирути -
Илди саби бегIлара талихIчебти.

МухIаммадла ﷺ умматлара бикIути,
Динна узи-рузис кумек бирути,
ГIилму багъес чула цIакъ
харжбирути -
Илди саби бегIлара талихIчебти.

Дин багъандан гъазаватли берхурти,
Капуртачил дявлизи каберхурти,
Гъазализиб саби шагъидбиубти -
Илди саби бегIлара талихIчебти.

Мискин-пякъиртас садакъа бирути,
Аллагъла гIяхIдешличи хъулбикIути,

Мицирагличи уркIеци бирути -
Илди саби бегIлара талихIчебти.

Гинзурбира гъундурира дирути,
Мижит бирухIели кумекбирути,
ХIябрала агълулис балга бирути -
Илди саби бегIлара талихIчебти.

МухIаммадла ﷺ хIядисуни дучIути,
ХIядислизибадли гIибрат кайсути,
Мялгун илбисра тядидили балтути -
Илди саби бегIлара талихIчебти.

ВеГI акIубси мерличиб хIербирути,
АкIубси мерличиб яшав бирути,
ШаригIят хIясибли гIямру дуркIути -
Илди саби бегIлара талихIчебти.

Дурхъати дуги-хIери хIебусути,
ХIебамсурли тIагIятличи бизурти,
Мурталра саби дазайчил бирути -
Илди саби бегIлара талихIчебти.


ГIямрулизир хIяж-гIумра
дархъдарибти,
Идбагла ﷺ хIябличиб балга барибти,
ГIярафа дубурличи тIашбизурти -
Илди саби бегIлара талихIчебти.

Макка-Мадинализиб къунзбухъунти,
Зам-замла гинизла шин хупIдарибти,
ХIяжила у сархили чарбухъунти -
Илди саби бегIлара талихIчебти.

Пахру-халадеш чуни хIебурцути,
ГIямрулизиб ахиратлис бузути,
ХIялал-хIярам деклардарес балути -
Илди саби бегIлара талихIчебти.

ГIямархIяжи, хIу дугIли гъаймайкIудра,
ХIед хIейгуси урхIлисра мабиридра,
ТалихIчевли виэс дигалли хIедра
Дин багъандан жанра
мяштIадиридра.

**ГIямархIяжи МУСАЕВ,
Яшкульский район,
п. Привольный,
с/з «Улан-хееч», ферма 2.**



Ас-Салам фото

СУАЛТИ — ЖАВАБТИ

– Нафслизivad секъяйда умувириси? Ну шайхла мурид ветаурлира ва илизибад вирд касилра, амма набилхелира дила нафсличил угъес къяяни саби ва дила тлабигъатлизирти вайти къиликъуни урдизахъес вирули ахленра.

– Шайхла мурид ветаъни ва илизибад вирд касни хлуни гъяхси барилри. Илини хлед мурт-биалра нафсличивад чедикахъес ва хлял-тлабигъатла вайти къиликъуназивад умувиахъес икъалабиру. Цабехлиис ил мурад сархес халаси замана хляжатбиркули бирар, цархилтас – камси. Хлушала насихлятчини гибти хъарбаркъуни тамандирес къасбара, виубцад чекайзурли, глур гъар секлал дуб-дубли гъунчидиркур.

– Мурулра нур деклардикира. Дила хъубешабани набзи буриб магъар бехъубли гьегъира шаригъатла тяхляр-къяйда хлясибли хлед итмадан хела мура юрт бархъбатес асухлебидар. Сен хлебируси? Шаригъат хлясибли декларкили гьегъира ну мура юртлизир сецадхли хьеррирули калес гъягъни-сира?

– Муруйзирад декларкили гьегъира хъунул адамлис хляйна хиларийчи (менструацияби дийчи) цархиллис шери рукъес асубируси ахлен. Хилахьерируси хъунул адамлис ил хлябал базла замана саби. Шаригъатли гъалавла муруйчи ил замана таманбийчи сунела гъаларла хъунул гъар секляйчил гьегъуцахъес чебиахъули саби. Хлед биалли ил замана таманбийчи мура юртлизирад цархил мерлици гечриэс ва бегътаа юртлизи чарухъес асубируси ахлен. Къуръанни ишкъяйда белекли саби (мягъна): «декларбикибти хъунри хъулибад дугъмайидая(чузибра саби декларбикибти) ва илданира илди хъулри дархъмадатаб, гъиддаа замана таманбийчи». (Сура "Ат-Талакъ").

– Ну гамъа сарра. Нуни аргъира белгиси замана мура юрт бархъбатес асухлебидар

или. Наб багъес дигахъира дила вебклибси мура юртлизирад наб мурт аррукъес асубирусил. Гамъа сарлин набчи глурра шаригъат хлясибли хъарти се лерти?

– Шаригъат хлясибли хлед гъиддала замана таманбийчи мура юртлизир калес чебиркур. Къуръаннизиб бурили саби (мягъна): "Гамъабиубти хъунри гълаб батурли хлушазивад чис иш дунъа бархъбатес чебуркъаллира, хлушала хъунри бац хлясибти авал базра вецал бархлира хлушала



Ас-Салам фото

хъулразиб калес гъягъни саби, ("Ал-Бакара" сура). Цархил анцбукъ саби хлу виштлаллис раили риадли. Илхели хлу мура юртлизир хьерриэс гъягъниси замана дурхля варкъниличил таманбируси саби, ил замана авал базличибра вецал бархиличибра имцали биаллира яра иличи ургъебли гъятира къантсили убухъаллира. Илзамана таманбийчи шаригъатли хлед шалати рангла палтар челгъахъес къадагъабирули саби. Палтар цудараби яра цябти рангла дихес асубидар. Къадагъабируси саби ил замана мургъила ва цлуб арцла матяхл дихахъесра, дурхъати къаркъуби яра маржанли жагадешлис дихахъесра. Палтарлис ва къаркъайс жагали тьемдиклуги секлалра пайдаладирес асубируси ахлен. Хлулби сурмали рурхъес асубируси ахлен. Ляжуби хлунтлей рурхъес асубируси ахлен. Гъаргти мераницун ахлену, къяшмала никубачилра хна чебирхъес асубируси ахлен. Хъали жагабарес асубидар, гъез хъарсдирес асубидар. Гъиддала замана хлуша хъулирад берк-берж асесцун дурадулхъес асубируси саби, лерли диалли цархилти хляжатуни ихъесра.

– Цикурлис, илини дяхл-някъ клъпдарили риалли, косметика пайдалабарес асубирусира?

– Эгер илини косметика муруйс гъяхриэс багъандан пайдалабирули риалли, цархилти адамтази чедиахъес асухлебирути биркълунтира клъпдарили риалли, косметикаличил пайдаладирес асубируси саби.

ХИУША ПИКРИДУХЪЕНАЯ

Азирлим авдарш дус гъалар Идбагли ﷺ гъалахили дурибти ахират гъамбикънила лишанти

Ахират гъамбикъниличила бурути дахъал лишанти лерти сари.

Халати лишанти гъачамлис дагъардулхъес дехлдохъили ахлен. Амма иличила бурути дахъал дигъянти лишанти хлясибдарес вирули сай.

ДИБГЪЯНТИ ЛИШАНТИ:

1. Дагърила шайчирти цябдеш имцадиклули сари, багъудлуми (динна шайчирти) камдиклули сари.
2. Цябти адамти хлукуматлис беклдеш дирниличил лякъули саби, илди адатас буйрухъбиклули саби.
3. Кемирахъути держ пайдаладирни имцабиклули саби.
4. Динна шайчирти къуллукъуни лайкъагати адатачи хъардирули сари.
5. Гъялимти бунагъуни диранти бетарули саби, динничи кабизурти адамти цябдешлизиб саби.
6. Адамтани чула мурадуни сархес къасличил цархилтала хлурматбирули саби.
7. Хъунрала асарлиу бикили, муйли чула бегътачи къаршили дурабулхъули саби.
8. Лайкъагати адамтани жамигъатла бухнаб хлурмат сархули саби.
9. Музыкали адатала гъямуризиб халаси мер бурцули саби, хлязла ваяхли имцали пикри битиклули саби.
10. Дахъал дерхланачилти ахъти юртани лушули сари.
11. Сагаси наслули чус гъалабси наслу цябсилити халбирули саби.
12. Умутбихъести адамти камбиклули саби. "Пулан мерличиб гъяхлти адамти теб" биклес бехкъабирхъур.
13. Пулан адатлис "гъяхлси сай" биклули хъалли, илизиб селра гъяхлси баргес вирули ахлен.
14. Адамти кабуришила, пунтбирнила ва бижгурти анцбукъуни имцадиклули сари.
15. Мурул адамти архля палтарличил башули саби.
16. Сунналичибад чебулклуги саби ва динничибад тьядибуубти, ил гъарацбирути имцабиклули саби.
17. Дажжалла шаликартани адамти бархъси гъуйчибад чебулклугу.
18. Гъар мерличиб зулмукартира гуж-зулму диранти имцабидули саби.
19. Бархъси буриси хлелтанбирули саби.
20. Жагъилтани дахъал бунагъуни диру, хъунул адамти хъархьердешлиубад уббулхъан.
21. Адамтала ургар диги камдидар.
22. Бунагъуни гапдирес бехкъабирхъур, дин бузахъни цяхис баркъудилизи халбиру.
23. Динна шайчирти къуллукъуначила хъумкарту.
24. Хъунул адамтани бекличир дахъал журабала клумби-къапни диху; илдачир палтар лерли диалра, члянкли бирар; къаркъайчи челкути палтар диху.
25. Муйлас вершадеш дирути хъунул адамти бахъбиур, къехлбадеш имцадидар.
26. Исламлизивад ца уцун кавлан, Дурхъаси Къуръаннизибадра ца чебиъницун кавлан.
27. Адамти гъялимтани лехлхейхъути бетарар ва имцали цябти адатала асарлиу биркур.

Гъанна хлушани Идбагли ﷺ 1400 дус гъалар гъандушибти лишанти ишбархлила гъямуриличил цугдуца.

"Нур-ул Ислам" календарьлизибад

Рузнама

АПРЕЛЬ

Дни	Утрений Ас-Субхл	Восход	Обеден. Аз-Зугър	После-обеден. Аль-Гласр	Вечерн. Аль-Магъриб	Ночной Аль-Гъишаъ
1	3.50	5.29	12.00	15.27	18.18	19.44
2	3.48	5.27	12.00	15.27	18.19	19.46
4	3.44	5.23	12.00	15.28	18.21	19.49
6	3.40	5.19	12.00	15.29	18.23	19.52
8	3.36	5.16	12.00	15.30	18.26	19.55
10	3.32	5.12	12.00	15.31	18.28	19.57
12	3.28	5.09	12.00	15.32	18.31	20.00
14	3.22	5.05	12.00	15.33	18.34	20.04
16	3.18	5.01	12.00	15.33	18.36	20.07
18	3.13	4.58	12.00	15.34	18.38	20.10
20	3.10	4.56	12.00	15.35	18.40	20.13
22	3.05	4.53	12.00	15.35	18.42	20.15
24	3.01	4.50	12.00	15.36	18.44	20.19
26	2.57	4.49	12.00	15.38	18.47	20.23
28	2.52	4.44	12.00	15.38	18.49	20.26
30	2.49	4.42	12.00	15.39	18.51	20.29

Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД
Ахмад-хаджи АБДУЛАЕВ

заместитель муфтия РД
Мухаммад ДАВУДОВ

Редактор
Патимат ВАГИДОВА

Канонический редактор
Гарун ДЖАГУМОВ

Верстка
Асият ХАНОВА
Ахмед МАГОМЕДОВ

Набор
Тавсултан САИДОВ

Менеджер
Мухаммад ХИРИЯСУЛАЕВ

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону).

Свидетельство о регистрации
ПИ № ФС 10-6401 от 15 декабря 2006 г.

Индекс 51390

При перепечатке ссылка обязательна.

Набрано и сверстано на компьютерной базе газеты «Ас-Салам».

Отпечатано в ООО «Дом печати» по адресу: пр-т Акушинского, 20.

Заказ № _____

Сдано в печать 12 марта 2009 г.

Тираж 3700 экз.

Адрес редакции

367015, РД, г. Махачкала,
ул. М. Ярагского, 128.
Тел.: (8722) 61-00-64.

По вопросам подписки и доставки обращаться по телефонам:
по Республике Дагестан — 8-988-699-28-24
по г. Махачкале — (8722) 914-222.

E-mail: info@assalam.ru;
www.assalam.ru